

ՀԱՍՏԱՏՎԱԾ Է

«Ինտերնետ միություն»

հասարակական կազմակերպության

ընդհանուր ժողովի որոշմամբ

«17» մարտի 2009թ.

նախագահ

Իգոր Ալրտունյան



ՏՊԱԳՐՎԱԾ Է ՉՈՐՍ ՕՐԻՆԱԿԻՑ

ՕՐԻՆԱԿ 1

ԳՐԱՆՅՎԱԾ Է

ՀՀ արդարադատության նախարարության կողմից 31.08.1994թ. թիվ 52/1-7 որոշմամբ

վերագրանցված է ՀՀ արդարադատության նախարարի 21.01.2000թ. թիվ 150 հրամանով

Նոր խմբագրությամբ կանոնադրությունը գրանցված է

ՀՀ Իրավաբանական անձանց պետական ռեգիստրի կենտրոնական մարմնի կողմից


«30» 03 2009թ.

Գրանցման N 211.171.05016

Վկայականի N 034 084495

Պետական ռեգիստրի ղեկավար՝

Ա.ԳԵՎՈՐԳՅԱՆ



Կ Ա Ն Ո Ն Ա Դ Ր ՈՒ Թ Յ ՈՒ Ն

«ԻՆՏԵՐՆԵՏ ՀԱՆՐՈՒԹՅՈՒՆ»

ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ

(նոր խմբագրություն)

2009թ.-Երևան

1. ԸՆԴՀԱՆՈՒՐ ԴՐՈՒՅԹՆԵՐ

- 1.1 «Ինտերնետ հանրություն» հասարակական կազմակերպությունը /այսուհետ՝ կազմակերպություն/ անձանց շահերի ընդհանրության հիման վրա, ոչ կրոնական հոգևոր և ոչ նյութական այլ պահանջումներ բավարարելու նպատակով ստեղծված կամավոր հասարակական միավորում է:
- 1.2 Կազմակերպությունը գործում է Հայաստանի Հանրապետության օրենսդրության, Հայաստանի Հանրապետության միջազգային պայմանագրերի և սույն կանոնադրության հիման վրա:
- 1.3 Կազմակերպության գործունեության սկզբունքներն են օրինականությունը, կամավորությունը, իրավահավասարությունը, ինքնակառավարումը և հրապարակայնությունը:
- 1.4 Կազմակերպությունը գործում է Հայաստանի Հանրապետության ողջ տարածքում և օտարերկրյա պետություններում՝ այդ պետությունների օրենսդրությանը համապատասխան:
- 1.5 Կազմակերպության հայերեն լրիվ անվանումն է՝ «Ինտերնետ հանրություն» հասարակական կազմակերպություն:
- 1.6 Կազմակերպության ռուսերեն լրիվ անվանումն է՝ Общественная организация „Общество интернет,,.
- 1.7 Կազմակերպության անգլերեն լրիվ անվանումն է՝ „Internet society,, non-governmental organization.
- 1.8 Կազմակերպության իրավաբանական հասցեն է՝ ք. Երևան, Նիկոլ Դուման 62/1, քիվ 1:

2. ԿԱԶՄԱԿԵՐՊՈՒԹՅԱՆ ՆՊԱՏԱԿՆԵՐԸ (ԱՌԱՐԿԱՆ) ԵՎ ԽՆԴԻՐՆԵՐԸ

- 2.1 Կազմակերպության գործունեության հիմնական նպատակն է Հայաստանի Ինտերնետ գլոբալ հեռակապի օգտագործողների գործունեությանը օժանդակումը:
- 2.2 Կազմակերպության խնդիրները՝
- Կազմակերպության նպատակների իրականացման համար կազմակերպությունը՝
- մշակում և իրականացնում է կազմակերպչական, կրթական, գիտահետազոտական, բարեգործական և այլ ծրագրեր,
 - կազմակերպում է գիտաժողովներ, սեմինարներ, հասարակական քննարկումներ և նման այլ միջոցառումներ,
 - համագործակցում է ՀՀ պետական մարմինների և հաստատությունների հետ,
 - անմիջական կապեր է հաստատում ՀՀ, միջազգային և օտարերկրյա կազմակերպությունների հետ, մասնակցում է համատեղ ծրագրերին, անդամակցում է միջազգային ոչ կառավարական կազմակերպություններին,
 - իրականացնում է իր կանոնադրության նպատակներից բխող այլ գործունեություն,
 - զարգացնում է Ինտերնետի տեխնոլոգիաները և այն մատչելի դարձնում Հայաստանում,
 - աջակցում է Հայաստանի ինտերնետ օգտագործողների գործունեությունը,
 - տարածում է Ինտերնետի ստանդարտները և տեխնոլոգիաները:
- 2.3 Կազմակերպության նպատակն է նաև միավորելով իր անդամների պոտենցիալ հնարավորությունները ծառայել հանրությանը հետևյալ կերպ.
- օժանդակել Ինտերնետի Հայաստանի ենթացանցի զարգացման նախագծերի մշակմանը,
 - օժանդակել Ինտերնետի Հայաստանի ենթացանցի ղեկավարմանը,
 - օժանդակել Ինտերնետի Հայաստանի տիրույթի նոր անդամների ընդունմանը և նրանց ենթատիրույթների գրանցմանը,
 - օժանդակել Հայաստանի Ինտերնետ ենթացանցի տեղեկատվական կենտրոնի աշխատանքներին,
 - օժանդակել ինտերնետի Հայաստանի տիրույթի տվյալների բազայի մշակմանը,
 - օժանդակել Հայկական Ինտերնետ տիրույթի ենթատիրույթների անվանումների մշակման քաղաքականությանը,

- աջակցել Հայաստանի Ինտերնետ ենթացանցի զարգացմանը,
- գործուղել կազմակերպության անդամներին միջազգային Ինտերնետ միության սեմինարներին և կոնֆերանսներին,
- մեթոդական և կազմակերպչական օգնությամբ օժանդակել լայն հասարակությանը,
- օրենքով սահմանված կարգով իրականացնել ուսուցում՝ Ինտերնետի և ցանցերի ասպարեզում,
- հովանավորչական միջոցներ հայթայթել և օգտագործել դրանք Ինտերնետի Հայկական ենթացանցի առաջնահերթ խնդիրների լուծման համար,
- բարձրացնել կազմակերպության անդամների որակավորումը, ընդլայնել և խորացնել նրանց մասնագիտական գիտելիքները :

2.4 Կազմակերպությունն իրականացնում է նաև ՀՀ օրենսդրությամբ չարգելված այլ ծրագրեր :

2.5 Իր խնդիրների և նպատակների իրականացման համար Կազմակերպությունը ձեռնարկում է հետևյալ միջոցառումները.

- ա/ պարբերաբար գիտաժողովներ ու կոնֆերանսներ է կազմակերպում համանման բնագավառի կազմակերպությունների հետ,
- բ/ կազմակերպում և օրենքով սահմանված կարգով անց է կացնում դասընթացներ, դասախոսություններ, բանավեճեր մասնագիտական հարցերի շուրջ,
- գ/ պաշտպանում է իր անդամների միասնական շահերը,
- դ/ հաստատում և խորացնում է կապերը ՀՀ և օտարերկրյա պետությունների և կազմակերպությունների հետ:

3. ԿԱԶՄԱԿԵՐՊՈՒԹՅԱՆ ԱՆԴԱՍԱԳՐՎԵԼՈՒ ԵՎ ԱՆԴԱՍՈՒԹՅՈՒՆԻՑ ԴՈՒՐՍ ԳԱԼՈՒ ԿԱՐԳԸ

3.1 Կազմակերպության անդամ կարող է դառնալ Հայաստանի Հանրապետության, ինչպես նաև օտարերկրյա ցանկացած քաղաքացի և քաղաքացիություն չունեցող անձ, ով ցանկանում է մասնակցել նրա գործունեությանը և ընդունում է Կազմակերպության կանոնադրությունը :

3.2 Կազմակերպության անդամ դառնալու (յանկություն ունեցող անձը գրավոր դիմում է Կազմակերպության վարչությանը (այսուհետև՝ Վարչություն):

3.3 Կազմակերպության անդամության մեջ ընդունելու հարցը լուծում է Վարչությունը:

3.4 Կազմակերպության անդամագրված անձն ազատ է դուրս գալու Կազմակերպությունից: Կազմակերպության անդամությունից զրկումը տեղի է ունենում Վարչության որոշմամբ:

3.5 Կազմակերպության այն անդամը, որը Վարչության կողմից սահմանված լինելու դեպքում վեց ամիս անընդմեջ չի վճարում անդամսւվճար, կամ պարբերաբար խախտում է սույն կանոնադրությունը, Վարչության որոշմամբ զրկվում է անդամությունից: Վերստին նրա անդամագրումը կատարվում է ընդհանուր հիմունքներով:

4. ԿԱԶՄԱԿԵՐՊՈՒԹՅԱՆ ԱՆԴԱՄՆԵՐԻ ԻՐԱՎՈՒՆՔՆԵՐՆ ՈՒ ՊՈՒՍԱԿԱՆՈՒԹՅՈՒՆՆԵՐԸ

4.1 Կազմակերպության անդամն իրավունք ունի՝

ա/ ըմտրել և ընտրվել Կազմակերպության բարձրագույն և այլ մարմիններում, ընդ որում, ղեկավար և վերահսկողություն իրականացնող մարմիններում կարող է ընտրվել 18 տարին լրացած անձը.

բ/ Կազմակերպության աշխատանքները բարելավելու նպատակով նրա ղեկավար մարմիններին ներկայացնել դիմումներ, առաջարկություններ և բողոքներ.

գ/ սպառնիչ տեղեկատվություն ստանալ Կազմակերպության գործունեության մասին.

դ/ ազատ դուրս գալ Կազմակերպությունից.

ե/ Կազմակերպությունից ստանալ իրավական օգնություն՝ ուղղված իր օրինական շահերի պաշտպանությանը.

զ/ մասնակցել Կազմակերպության կողմից կազմակերպված միջոցառումներին.

է/ Կազմակերպության նախագահի և Վարչության ոչ կանոնադրական գործունեության դեմ բողոքարկել ժողովին կամ դատարան՝ օրենքով սահմանված կարգով:

4.2 Կազմակերպության անդամը պարտավոր է՝

ա/ հոգ տանել Կազմակերպության հեղինակության մասին.

բ/ կատարել Կազմակերպության կանոնադրության պահանջները, ղեկավար մարմինների որոշումները.

գ/ մուծել մուտքի վճար և ամսական անդամավճար՝ Վարչության կողմից սահմանված լինելու դեպքում, որոնց չափն ու վճարման կարգը սահմանում է Վարչությունը.

դ/ բարեխղճորեն կատարել իր վրա դրված պարտականությունները.

4.3 Կազմակերպության կանոնադրությունը խախտող կամ իր պարտականությունները չկատարող անդամի նկատմամբ Կազմակերպության ժողովի կամ Վարչության կողմից կարող են կիրառվել կարգապահական տույժի միջոցներ՝ նկատողություն, Կազմակերպության անդամությունից զրկում:

5. ԿԱԶՄԱԿԵՐՊՈՒԹՅԱՆ ԻՐԱՎՈՒՆՔՆԵՐԸ

5.1 Կազմակերպությունը հանդիսանում է իրավաբանական անձ՝ պետական գրանցման պահից:

5.2 Կազմակերպությունն ունի առանձնացված գույք, ինքնուրույն հաշվեկշիռ, հայերեն, ռուսերեն, անգլերեն անվանումներով կլոր կնիք, դրոշմ, հաշվարկային հաշիվ բանկում՝ Հայաստանի Հանրապետության և օտարերկրյա արժույթով, իր անունից կարող է ձեռք բերել գույքային և ոչ գույքային իրավունքներ և կրել պարտականություններ, որպես հայցվոր և պատասխանող հանդես գալ դատարանում: Կարող է ունենալ իր խորհրդանիշը:

5.3 Կազմակերպությունն ինքնուրույն է որոշում իր կազմակերպական կառուցվածքը, խնդիրները, նպատակները և գործունեության ձևերը:

5.4 Կազմակերպությունն իր կանոնադրությամբ նախատեսված նպատակները և խնդիրներն իրականացնելու համար, օրենքով սահմանված կարգով իրավունք ունի՝

ա/ տեղեկատվություն տարածել իր գործունեության մասին.

բ/ հիմնադրել լրատվության միջոցներ.

գ/ կազմակերպել խաղաղ, առանց զենքի ժողովներ, հանրահավաքներ, երթեր և ցույցեր.

դ/ ներկայացնել և պաշտպանել իր անդամների իրավունքները և օրինական շահերը այլ կազմակերպություններում, դատարանում, պետական կառավարման և տեղական ինքնակառավարման մարմիններում.

ե/ իրականացնել ձեռնարկատիրական գործունեություն՝ իր կողմից հիմնադրված տնտեսական ընկերությունների միջոցով.

զ/ օրենսդրությամբ սահմանված կարգով ձեռք բերել, վարձակալել և օգտագործել անշարժ գույք, տրանսպորտային միջոցներ, օրենքով չարգելված այլ գույք.

է/ օտարել կամ վարձակալության կամ անվճար օգտագործման հանձնել Կազմակերպությանը պատկանող ցանկացած անշարժ և շարժական գույք.

ը/ կնքել օրենսդրությամբ չարգելված պայմանագրեր և այլ գործարքներ.

թ/ ինքնուրույն կազմավորել և տնօրինել իր ֆինանսական ռեսուրսները, այդ թվում՝ փոխառու միջոցների ներգրավմամբ, Հայաստանի Հանրապետությունում և այլ պետություններում ստանալ վարկեր, դրամաշնորհներ, այդ թվում՝ արտարժույթով.

ժ/ իրականացնել ինքնուրույն արտաքին գործունեություն, այդ թվում՝ կնքել համաձայնագրեր օտարերկրյա ոչ առևտրային և ոչ կառավարական կազմակերպությունների հետ, անդամակցել միջազգային հասարակական կազմակերպություններին, իր անդամներին և այլ անձանց գործուղել արտասահմանյան երկրներ, հրավիրել այլ երկրներից քաղաքացիներ, ստեղծել առանձնացված ստորաբաժանումներ օտարերկրյա պետություններում՝ այդ պետությունների օրենսդրությանը համապատասխան:

6. ԿԱԶՄԱԿԵՐՊՈՒԹՅԱՆ ՊԱՐՏԱԿԱՆՈՒԹՅՈՒՆՆԵՐԸ

6.1 Կազմակերպությունը պարտավոր է՝

ա/ ցանկացած ֆիզիկական անձի պահանջով յոթ օրացուցային օրվա ընթացքում նրան հնարավորություն տալ ծանոթանալու կազմակերպության կանոնադրությանը.

բ/ օրենքով սահմանված կարգով վարել գործավարություն և հաշվապահական հաշվառում

զ/ իր գործունեության և գույքի օգտագործման հաշվետվությունները ներկայացնել կազմակերպության ժողովի հաստատմանը ոչ պակաս, քան երկու տարին մեկ անգամ՝ ապահովելով այդ հաշվետվությունների հրապարակայնորեն մատչելի լինելը:

դ/ պետական կառավարման լիազորված մարմնի պահանջով նրան տրամադրել իր բարձրագույն և այլ մարմինների որոշումների պատճենները, Կազմակերպության գործունեության մասին այլ փաստաթղթեր, թույլատրել այդ մարմինների ներկայացուչիչներին ներկա գտնվել Կազմակերպության ժողովին:

ե/ օրենքով նախատեսված դեպքերում և կարգով տեղեկատվություն ու հաշվետվություններ ներկայացնել պետական մարմիններին:

զ/ առանձնացված ստորաբաժանում կամ հիմնարկ ստեղծելու և կազմալուծելու մասին որոշումներ ընդունելուց հետո՝ մեկ ամսյա ժամկետում դիմել պետական գրանցման մարմին, սահմանված կարգով դրանք հաշվառելու և հաշվառումից հանելու համար:

ե/ վարել իր անդամների հաշվառումը:

ը/առանց լիազորագրի կազմակերպությունը ներկայացնելու իրավունք ունեցող պաշտոնատար անձի և (կամ) կազմակերպության գտնվելու վայրի հասցեի փոփոխման դեպքում, 14 օրացույցային օրվա ընթացքում պետական գրանցման մարմին ուղարկել այդ անձի անձնագրային տվյալները և (կամ) Կազմակերպության գտնվելու վայրի հասցեի մասին տվյալներ:

7. ԿԱԶՄԱԿԵՐՊՈՒԹՅԱՆ ԿԱՌԱՎԱՐՄԱՆ ԿԱՐԳԸ

7.1 Կազմակերպության գործունեության և կառավարման ցանկացած հարցի վերջնական լուծման իրավունքը պատկանում է Կազմակերպության բարձրագույն մարմնին՝ ժողովին:

7.2 Ժողովը հրավիրվում է երկու տարին մեկ անգամ: Ժողովը հրավիրում, դրա անցկացման կարգն ու ժամկետները որոշում է Վարչությունը: Եթե Կազմակերպության անդամների թվաքանակը անցնում է հարյուրի սահմանը, ապա Վարչության կողմից սահմանված կարգով ժողովին կարող են մասնակցել անդամների կողմից ընտրված ներկայացուցչական պատվիրակները:

Կազմակերպության ալտահերթ ժողով հրավիրվում է Կազմակերպության անդամների մեկ երրորդի կամ Կազմակերպության վերահսկիչ հանձնաժողովի (վերահսկիչի) պատճառաբանված պահանջով՝ Վարչության կողմից՝ պահանջող կողմի հաստատած օրակարգով՝ ոչ ուշ, քան 14 օրացույցային օրվա ընթացքում:

7.3 Ժողովի բացառիկ իրավասության հարցերն են՝

ա/ Կազմակերպության կառնոնադրության հաստատումը և փոփոխումը:

բ/ Կազմակերպության ղեկավար և վերահսկողություն իրականացնող մարմինների ընտրությունը, կազմի փոփոխումը

գ/ Կազմակերպության լուծարման և վերակազմակերպման մասին որոշումների ընդունումը:

դ/ Կազմակերպության գործունեության և գույքի օգտագործման հաշվետվությունների հաստատումը:

7.4 Ժողովը կարող է հարցեր քննարկել և որոշումներ ընդունել, եթե նրան մասնակցում են Կազմակերպության բոլոր անդամների, կամ պատվիրակների կեսից ավելին: Հարցերի քննարկման ժամանակ որոշումներն ընդունվում են բոլոր անդամների կամ պատվիրակների ձայների պարզ մեծամասնությամբ:

7.5 Վարչությունն ընտրվում է Ժողովի կողմից երկու տարի ժամանակով:

Վարչությունն իր աշխատանքներն իրականացնում է նիստերի ձևով, որոնք հրավիրվում են Կազմակերպության նախագահի կողմից ոչ ուշ, քան վեց ամիսը մեկ անգամ: Վարչության նիստ կարող է հրավիրվել նաև Կազմակերպության անդամների 20%-ի, Վարչության անդամների կամ Կազմակերպության վերահսկիչ հանձնաժողովի (վերահսկիչի) պահանջով:

7.6 Վարչությունը՝

ա/ հաստատում է Կազմակերպության նախագահի հաշվետվությունները, այդ թվում՝ Ժողովին ներկայացվող հաշվետվությունը:

բ/ առաջարկություններ է ներկայացնում Ժողովին՝ նրա բացառիկ իրավասությանը վերաբերող հարցերի վերաբերյալ:

գ/ ընդունում է Կազմակերպության անդամ և ազատում կամ զրկում անդամությունից:

դ/ Կազմակերպության անդամների նկատմամբ կիրառում է խրախուսանքներ և տույժի միջոցներ.

ե/ ղեկավարում է Կազմակերպության գործունեությունը՝ ժողովների միջև ընկած ժամանակաշրջանում.

զ/ սահմանում է Կազմակերպության անդամների կողմից մուտքի վճարի և անդամավճարի մուծման կարգը, չափերը և ձևերը.

է/ ձեռք է բերում, տիրապետում, օգտագործում, տնօրինում, օտարում և դուրս գրում Կազմակերպության՝ մեկ միլիոն դրամը գերազանցող արժողությամբ գույքը.

ը/ ստեղծում և լուծարում է Կազմակերպության հիմնարկները, կառուցվածքային ստորաբաժանումները, առանձնացված ստորաբաժանումները /մասնաճյուղեր, ներկայացուցչություններ/, ինչպես նաև հաստատում է նրանց կանոնադրությունները.

թ/ հաստատում է Կազմակերպության աշխատակազմի հաստիքացուցակը, աշխատողների վարձատրության կարգն ու չափերը.

ժ/ սահմանում է Կազմակերպության ղեկավար մարմիններում ընդգրկված անձանց վարձատրության կարգը և չափը,

ժա/ հաստատում է Կազմակերպության հաշվապահական հաշվառման հաշվետվությունները.

ժբ/ իրավունք ունի քննարկել և լուծել Կազմակերպության գործունեությանն ու կառավարմանն առնչվող ցանկացած հարց, բացառությամբ Ժողովի բացառիկ իրավասությանը վերապահվածներից:

7.7 Վարչությունը կարող է հարցեր քննարկել և որոշումներ կայացնել, եթե նրան մասնակցում են իր անդամների երկու երրորդից ավելին:

Վարչության որոշումներն ընդունվում են ձայների պարզ մեծամասնությամբ:

Ձայների հավասարության դեպքում նախագահի ձայնը վճռորոշ է:

7.8 Կազմակերպության նախագահն ընտրվում է Ժողովի կողմից 2 տարի ժամանակով:

7.9 Կազմակերպության նախագահը՝

- ղեկավարում է Վարչության աշխատանքները և վարում է նրա նիստերը.
- ներկայացնում է Կազմակերպությունն առանց լիազորագրի.
- արձակում է հրամաններ, տալիս է լիազորագրեր.
- օրենքով սահմանված կարգով կնքում է գործարքներ, ստորագրում է պայմանագրեր, ֆինանսական փաստաթղթեր, բացում բանկային հաշիվներ.
- Վարչության հաստատմանն է ներկայացնում աշխատակազմի հաստիքացուցակը:
- ձեռք է բերում, տիրապետում, օգտագործում, տնօրինում, օտարում և դուրս գրում Կազմակերպության՝ մինչև մեկ միլիոն դրամ արժողության գույքը:

Կազմակերպության գործադիր տնօրենը նշանակվում է Կազմակերպության վարչության կողմից, որը պատասխանատու է Կազմակերպության ֆինանսական գործունեության համար: Տնօրենի իրավունքները և պարտականությունները սահմանվում են առանձին պայմանագրով: Ֆինանսական խախտումների համար Կազմակերպության տնօրենը կրում է անձնական պատասխանատվություն:

Կազմակերպության փոխնախագահն/փոխնախագահներ/ ընտրվում է Ժողովի կողմից 2 տարի ժամանակով և փոխարինում է կազմակերպության նախագահին վերջինիս բացակայության ժամանակ:

7.10 Կազմակերպության վերահսկիչ հանձնաժողովը (վերահսկիչը) ընտրվում է Ժողովի կողմից 2 տարի ժամանակով: Վարչության անդամները և Կազմակերպության նախագահը չեն կարող լինել Վերահսկիչ հանձնաժողովի անդամներ:

7.11 Վերահսկիչ հանձնաժողովն իր աշխատանքներն իրականացնում է նիստերի ձևով, որոնք երավիրվում են տարեկան առնվազն 2 անգամ: Նիստ կարող է հրավիրվել նաև Կազմակերպության անդամների 20%-ի, հանձնաժողովի անդամների մեկ երրորդի, Կազմակերպության նախագահի կամ Վարչության պահանջով:

7.12 Կազմակերպության վերահսկիչ հանձնաժողովը կարող է հարցեր քննարկել և որոշումներ կայացնել, եթե նիստին մասնակցում են հանձնաժողովի անդամների 2/3-ը: Հանձնաժողովի որոշումներն ընդունվում են ձայների պարզ մեծամասնությամբ: Ձայների հավասարության դեպքում հանձնաժողովի նախագահի ձայնը վճռորոշ է: Եթե վերահսկող մարմինը վերահսկիչն է, ապա նա որոշումներ է ընդունում միանձնյա:

7.13 **Վերահսկիչ հանձնաժողովը կարող է Կազմակերպության նախագահից և այլ աշխատողներից պահանջել Կազմակերպության գործունեությանն առնչվող ցանկացած տվյալներ և հաշվետվություն:**

7.14 **Վերահսկիչ հանձնաժողովը պարտավոր է հաշվետվություն ներկայացնել ժողովին՝ Կազմակերպության գործունեության, հաշվեկշռի, գույքի պահպանման և այլ ամփոփ տվյալների ամօրյան արդյունքների մասին:**

8. ԿԱԶՄԱԿԵՐՊՈՒԹՅԱՆ ՍԵՓԱԿԱՆՈՒԹՅՈՒՆԸ, ԳՈՅԱՅՄԱՆ ԱՂԲՅՈՒՐՆԵՐԸ ԵՎ

ՕԳՏԱԳՈՐԾՄԱՆ ԿԱՐԳԸ

8.1 **Կազմակերպության գույքը հանդիսանում է Կազմակերպության սեփականությունը:**

8.2 **Կազմակերպությունը որպես սեփականություն կարող է ունենալ անշարժ գույք, տրանսպորտային միջոցներ, սարքավորումներ, դրամական միջոցներ, արժեթղթեր և օրենքով չարգելված այլ գույք: Կազմակերպության անդամը նրա սեփականության նկատմամբ բաժնային իրավունք չունի:**

8.3 **Կազմակերպության սեփականության գոյացման աղբյուրներ կարող են լինել՝**

- Կազմակերպության անդամների մուտքի վճարները, անդամավճարները, դրամական և նյութական ներդրումները,
- բանկային հիմնարկներից ստացված վարկերը,
- դրամաշնորհները,
- բարեգործական ներդրումները, քաղաքացիների և կազմակերպությունների նվիրատվությունները,
- հովանավորներից /տեղական և օտարերկրյա/ ստացված գումարները
- Կազմակերպության կողմից հիմնադրված տնտեսական ընկերությունների կողմից փոխանցված գումարները,
- Հայաստանի Հանրապետության օրենսդրությամբ չարգելված այլ մուտքերը:

8.4 **Կազմակերպության սեփականությունը գտնվում է Հայաստանի Հանրապետության պաշտպանության ներքո:**

8.5 **Կազմակերպության սեփականությունը կարող է բռնագանձվել միայն դատարանի կողմից՝ օրենքով սահմանված կարգով:**

8.6 **Կազմակերպության միջոցները կարող են օգտագործվել միայն կազմակերպչական ծախսերի և կանոնադրությամբ սահմանված նպատակների և խնդիրների իրականացման համար:**

9. ԿԱԶՄԱԿԵՐՊՈՒԹՅԱՆ ՎԵՐԱԿԱԶՄԱԿԵՐՊՈՒՄԸ, ԼՈՒԾԱՐՈՒՄԸ, ԼՈՒԾԱՐՄԱՆ ԴԵՊԶՈՒՄ ԳՈՒՅՔԻ ՕԳՏԱԳՈՐԾՈՒՄԸ

9.1 **Կազմակերպությունը կարող է լուծարվել ժողովի կամ դատարանի որոշմամբ:**

Ժողովը կազմավորում է լուծարային հանձնաժողով և օրենքով նախատեսված կարգով սահմանում լուծարման կարգն ու ժամկետները:

9.2 **Կազմակերպության լուծարման ավարտին լուծարային հանձնաժողովը, պարտադիր վճարումներն իրականացնելուց հետո մնացած գույքը, ժողովի որոշմամբ սահմանված կարգով, օգտագործում է Կազմակերպության կանոնադրական նպատակների և խնդիրների իրականացման համար, իսկ, եթե դա հնարավոր չէ, փոխանցում է պետական բյուջե:**

9.3 **Կազմակերպությունը կարող է վերակազմակերպվել ժողովի որոշմամբ կամ օրենքով սահմանված դեպքերում դատարանի որոշմամբ՝ օրենքով սահմանված կարգով:**

կազմված է 10.10. 2011թ.

ՀԱՍՏԱՏՎԱԾ Է

«Ինտերնետ հանրություն»

հասարակական կազմակերպության

ընդհանուր ժողովի որոշմամբ

«10» 10 . 2011թ.

ՏՊԱԳՐՎԱԾ Է ԵՐԿՈՒ ՕՐԻՆԱԿԻՑ
ՕՐԻՆԱԿ Լ

ԳՐԱՆՑՎԱԾ Է

ՀՀ Իրավաբանական անձանց պետական ռեգիստրի
կենտրոնական մարմնի կողմից

« 30 » 03 2009թ.

Գրանցման N 211.171.05016

Վկայականի N 03Ա084495

Հարկ վճարողի հաշվառման համարը՝ 00004302

30.03.2009թ. կանոնադրության

քիվ 001-3 փոփոխությունը գրանցված է ՀՀ
Իրավաբանական անձանց պետական ռեգիստրի
կենտրոնական մարմնի կողմից

« 06 » 12 2011թ.

Պետական ռեգիստրի ղեկավար՝

Ա.ԳԵՎՈՐԳՅԱՆ

Գործադիր տնօրեն Ս.Ն.Սերսիսյան



Կ Ա Ն Ո Ն Ա Դ Ր ՈՒ Թ Յ ՈՒ Ն

«ԻՆՏԵՐՆԵՏ ՀԱՆՐՈՒԹՅՈՒՆ»

ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ

/փոփոխություն և լրացում/

2011թ.-Երևան

«Ինտերնետ հանրություն» հասարակական կազմակերպության 30.03.2009թ. գրանցված նոր խմբագրությամբ կանոնադրության (գրանցման համարը՝ 211.171.05016, վկայականի համարը՝ 03Ա084495) փոփոխություն և լրացում

1. Կազմակերպության 30.03.2009թ. գրանցված նոր խմբագրությամբ կանոնադրության 7.9 կետը ձևակերպել հետևյալ նոր խմբագրությամբ՝

«7.9 Կազմակերպության նախագահը՝

- ղեկավարում է Վարչության աշխատանքները և վարում է նրա նիստերը.
- արձակում է հրամաններ.
- վարչության հաստատմանն է ներկայացնում աշխատակազմի հաստիքացուցակը.
- ձեռք է բերում, տիրապետում, օգտագործում, տնօրինում, օտարում և դուրս գրում Կազմակերպության՝ մինչև մեկ միլիոն դրամ արժողության գույքը.

Կազմակերպության գործադիր տնօրենը նշանակվում է Կազմակերպության Վարչության կողմից:
Գործադիր տնօրենը.

- պատասխանատու է Կազմակերպության ֆինանսական գործունեության համար.
- առանց լիազորագրի հանդես է գալիս Կազմակերպության անունից, տալիս է լիազորագրեր.
- օրենքով սահմանված կարգով կնքում է գործարքներ, ստորագրում է պայմանագրեր, ֆինանսական փաստաթղթեր, բացում բանկային հաշիվներ:

Գործադիր տնօրենի առանձին իրավունքներ և պարտականություններ սահմանվում են Կազմակերպության նախագահի հետ կնքված պայմանագրով: Ֆինանսական խախտումների համար Կազմակերպության գործադիր տնօրենը կրում է անձնական պատասխանատվություն Կազմակերպության փոխնախագահը/փոխնախագահներ/ ընտրվում է ժողովի կողմից 2 տարի ժամանակով և փոխարինում է /են/ նախագահին վերջինիս բացակայության ժամանակ»:

2. Մույն փոփոխությունը հանդիսանում է ՀՀ իրավաբանական անձանց պետական ռեգիստրի գործակալության կենտրոնական մարմնի կողմից 30.03.2009թ. գրանցված նոր խմբագրությամբ կանոնադրության անբաժանելի մասը:

կազմված է 27.02. 2012թ.

ՀԱՍՏԱՏՎԱԾ Է

«Ինտերնետ հանրություն»

հասարակական կազմակերպության

ընդհանուր ժողովի որոշմամբ

«27» 02. 2013թ.

ՏՊԱԳՐՎԱԾ Է ԵՐԿՈՒ ՕՐԻՆԱԿԻՑ
ՕՐԻՆԱԿ 1

ԳՐԱՆՑՎԱԾ Է

ՀՀ Իրավաբանական անձանց պետական
նեգիստրի կենտրոնական մարմնի կողմից

«30» 03 2009թ.

Գրանցման N 211.190.05016

Վկայականի N 03Ա084495

Հարկ վճարողի հաշվառման համարը՝ 00004302

30.03.2009թ. գրանցված կանոնադրության

թիվ 002-3 փոփոխությունը գրանցված է

Իրավաբանական անձանց պետական նեգիստրի

կենտրոնական մարմնի կողմից

«27» 03 2013թ.

Պետական նեգիստրի գործակալության պետ

ԲԳԵՎՈՐԳՅԱՆ

Գործադիր տնօրեն՝



Կ Ա Ն Ո Ն Ա Դ Ր ՈՒ Թ Յ ՈՒ Ն

«ԻՆՏԵՐՆԵՏ ՀԱՆՐՈՒԹՅՈՒՆ»

ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ

/փոփոխություն և լրացում/

**«Ինտերնետ հանրություն»
հասարակական կազմակերպության 30.03.2009թ. գրանցված նոր խմբագրությամբ
կանոնադրության փոփոխություն և լրացում**

Կազմակերպության 30.03.2009թ. ՀՀ իրավաբանական անձանց պետական ռեգիստրի կենտրոնական մարմնի կողմից /գրանցման համարը՝ 211.171.05016, վկայականի համարը՝ 03Ա084495/ գրանցված կանոնադրության 1.8-րդ կետը ձևակերպել հետևյալ նոր խմբագրությամբ.

«1.8 Կազմակերպության գտնվելու վայրն է . ՀՀ, ք.Երևան-0012, Ա.Խաչատրյան 17, բն. 3:

Սույն փոփոխությունը և լրացումը հանդիսանում է կազմակերպության 30.03.2009թ. ՀՀ իրավաբանական անձանց պետական ռեգիստրի գործակալության կենտրոնական մարմնի կողմից գրանցված կանոնադրության անբաժանելի մասը: